

نومرو ۳۳ — ۹ ذی القعدة ۱۳۲۹

پنجشنبه کونلری نشر اولنور

۲۷ تشرین اول ۱۳۲۷

صاحب امتیاز و سر محرری

اورفه مبعوثی

شیخ صفوت

مرکز توزیمی باب عالی جاده سنده

جمعیت کتبخانه سیدر

نسخه سی ۲۰ پاره در

تصوف

بالجمله محررات در سعادت پوسته خانه سنده
تصوف جریده سی نامه کوندر لمیلدر.
قوطو نومرد سی ۱۴۳

شرائط اشترا

سندلکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابوحنفص عمر بن مسنه

عرفای امتک مقالات عارفانه لرینه تصوفک صحیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله مغویه در

(سلمان منا اهل اليت) حديث شريفيله خاندان رسالت واهل بيت نبوتك عدادنده بولنقى شرف عظيمه مظهر بيورلمشدر .

خواجكان نقشبنديه حضراتنك سلسله مباركه لرنده مشاراليهك نسبتلى صديق اكبر حضرتلرينه در تولدلى اصفهان جهتلرنده در . كنيه لرى (ابو عبدالله) در امير المؤمنين عثمان بن عفان حضرتلرينك اوائل خلافتلرنده مدين شهرى وائيلكننده ايكن ايكيوز اللى وعلى روايه دهاز ياده برسند وفات ايشلردر .

اصفهان دن مدينه مزرديه قدر سياحتلى وشرف اسلاميه مظهرىلى وقايع مهمه تاريخيه ومعجزات باهره نبويهى تحسويدر بولنك تفصيلاتى : قطب العارفين شيخ محى الدين ابن العربى حضرتلى كتاب المسامراتنده سند صحيح ايله مشاراليه حضرتلرن دن روايت ايتمشدر روايت مذكوره بيله سلمان فارسى حضرتلى بيور . مشلردر كه :

بدرم اصفانك (جى) نام قريه سندن فارسى الاصل چفتجى برذات ايدى صوك درجه سوكيلوسى ايدم شدت محبتدن قيز چوجنى كى بنى خانه سندن طيشارو چقارميه جق بر درجهيه وارمش ايدى محوسيلكه المدين كلديكى قدر چاليشوردم آتش برستاك مقتضاسيله ياقديغ آتشك بزدها سونماسنه دائما دقت ايدردم بدرمك آبروجه بر چفتلكى وار ايدى انكه اشتغال ايدردى بركون خانه سنك اينه سيله اوغراشيوردى كندى يرينه بنى چفتلكه كوندردمك ايسندى (صاقين كيكمه ! زيرا كيچ قاله جق اولورسهك هرشيدن زياده بنى اشغال ايدرسك !) ديهرك تنيه ايلدى چفتلكه كيدر كن خريستيانلرك بر كليسالرينه تصادف ايلدم كليسا دروننده عبادت ايدورلردى صدرلر بنى ايشتم بدرمك بنى دائما خانه سنده طوتديعى ايچون ناسك احوال واديانندن برشى بلمزدم مراق ايدرك كليسايه كيردم بولرى عبادت ايدرلركن كورنجه خوشمه كيتدى عبادتلىرينه ميل ورغت ايتمهك باشلادم بودينك بزم

بك ابو بيليرسكزكه سادن التون وكوموش ياغماز . اصحاب كرام حضراتى دائما برآ وبجرا تجارتله اشتغال ايدرلر ايدى هر خصوصده اصحاب وتابعين وسلف صالحين حضرتنه اتباع واقدا ايتك طرق عليه نك اركان اصليله سندنر قرآن مدين الهيده صحابه كزين حق لرنده (رجال لاتلهم تجارت ولا بيع عن ذكر الله) بيورلمشدر ايشته بحق (رجال) عنوانه شاين اولانلر : اسباب ايله اشتغال ايلديكلى حالده بر آن ذكر الهيدن غافل اولمائلردر . كمال حقيقى دخی بودر .

ابوسايمان دارانى حضرتلى « باشقه سى سنك ايچون يورلدني حالده خانه كده قدم بسته عبادت اولقلنك هنر دكلدر بلكه هنر : بيه جككى قازانوب اقامتگاهكه ادخال ايلدكدن صوكره عبادت ايتمكدر بو حالده هر كيم قابو كى چاله جق اولورسه هر درلو اندیشه دن آزاده بولتورسك ! لكن خانه سنده بيه جكى اولميان بر كيمه نك عبادتده بولنمى بويله دكلدر هر كيم قابوسنى چاله جق اولورسه عجباً برييه . جكمى كتير يور ديمكدن آزاده اوله مز » بيور مشلردر . سفیان ثورى حضرتلى دخی دائما تلامذومريدانه صنعت و حرفتله اشتغال ايتلر بنى امرايدرك ملوك وامرانك قابولرنده طولاشانلرك مطلقا بر احتياجك اسيرى اولدنلر بنى بيان بيوررلر ايدى . رحمة الله تعالى عليهم اجمعين .

تراجم احوال صوفيه

سلمان فارسى

خواجكان نقشبنديه قدس الله تعالى اسرارهم حضراتنك سلسله مباركه طريقتلرينك بر اصل اصلى بايزيد بسطامى قدس سره السامى حضرتلى واسطه سيله سلمان فارسى رضى الله تعالى عنه حضرتلرينه متهدر . مشاراليه : سرور انبيا عليه وعلى آله افضل التحايا اقدمز حضرتلرينك اكبر اصحاب رسالت پناهيلرنددر .

محو سیکندن دها خیری اولدیغنه قناعت ایدرک آقشامه قدر اوراده قالدیم چفتلکه کیده مدم اوراده کی خرسیتانلره بودینک اصلی نروده اولدیغنی صوردم شامده در دیه جواب ویزدیلر صوکره پدیرمک نزدینه عودت ایلدم تاخر ایتدیکمدن دولایی بنی آراغیق ایچون آدمیر کوندرمش وهر برایشنی براقش ایدی بنی کورنجه تنیها ت خلافت اوله رق نروده ونه یچون کیچ قالدیغنی صوردی کیدرکن بر کلیسایه تصادف ایتدیکمی وخرسیتانلرک عبادت لرندن خوشلاندیغنی وبناء علیه آقشامه قدر اوراده قالدیغنی سویلدم اوغلم! اودینک خیری یوقدر سنک آبا واجدادیتک دینی دها خیرلیر دیدی . الله بیلیرکه انلرک دینی بزمکندن دها خیرلیر دیدیم . بونک اوزرینه پدیرم بندن قورقدی وبنی خانه سنده حبس ایلدی محبوس ایکن بالواسطه خرسیتانلره خبر کوندردم وشامدن قافله کله جک اولورسه بنی خبردار ایتلرینی سویلدم برمدت صوکره خرسیتان تجارندن بر قافله نک کلدیکنی بیلدیردیلر ایشلری بیتدکده حرکت ایده جکلری صره ده معلومات ویرملرینی رجا ایلدم نهایت محبوسدن فرارایله قافله مذکوریه قاتیلهرق شامه قدر کلدیم بودینک علماً اک یویوک اولائی کیمدر؟ دیه سؤال ایتدم کلیساده ریاست ایدن استغنی کوستردیلر موغی الیه مراجعتله سرگذشتی آکلاندقن صوکره معیتده خدمت وعبادت ایتک وکنندیسندن اخذ علمه چالیشیق اوزره مساعده سنی ایستدم قبول ایلدی . لکن بو آدم فنا بر آدم ایدی فنرا نامنه صدقه ویرمکی جماعته امر وترغب ایلدیکی حالده صدقه لری کندی نفسی ایچون ادخار ایدر وفقرایه بر شی ویرمز ایدی از بر مدت صوکره وفات ایتدی بونک سوم احوالی خرسیتانلره بیلدیردم نه بیلورسک دیدیلر . ادخار ایش اولدیغنی صدقه پاره لری کوستردم بویاره لر کیزلی بر یرده یدی دستی طولوسی التون وکوش ایدی . جماعت بونلری کورنجه علم الله بو آدمی دفن ایتیز دیدیلر وصلب ایدرک ط شلادیلر . صوکره بر دیگرینی انتخاب ایتدیلر بوذاتدن دها زیاده کیچه کوندر عبادته

مواظب، دنیادن مجتنب، آخرته راغب برکیمسه کورمدم بوذاتی صوکره درجه سومکه باشلام برمدت صوکره وفاتی تقرب ایتکله حالت احتضاره کلدیکنی کورنجه کندی صوکره درجه سودیکمی و امر حق واقع اولورسه هانکی ذاتک ملازمتی امر ووصیت ایده جکنی سویلدم . جواباً : « بتم بولندیغ بومسلکده برکیمسه قالمامشدر . بک جوق احوال واحکام تبدله اوغرامشدر یالکیز موصله بر ذات بیلورم او بتم مسلکمه درانی وصیت ایدرم . » دیدی وفاتی متعاقباً موصله کیده رک وصیت ایلدیکی ذات ایله ملاقات ایتدم کیفیت بیلدیردکن صوکره ملازمتیه دوام ایلدم . اولکی اسقفک مسلکده خیری بر ذات اولدیغنی کوردم از بر مدت صوکره بوذاتک دخی وفاتی تقرب ایدنجه بنی سزه کوندردیلر . سز بنی کیمه کوندره جکسکز؟ دیدیم بزم مسلکمزده یالکیز نصیبین شهرنده برزاتدن باشقه هیچ برکیمه یی بیلیمورم دیدی . بو ذاتک دخی وقتندن صوکره نصیبیه کیده رک وصیت ایلدیکی ذاته ملاقی اولدم ترجمه حلی - سویله رک معیتده قالدیم . بو ذات دخی اولکیلر کی حقیقه خیری و مبارک بر ذات ایدی . لکن نه چاره که بر مدت صوکره بو ذاتک دخی اجلی تقرب ایلدی . بناء علیه متسللاً دور ایدیلرک معیتده بولندیغنی بالیان کدینک دخی بنی هانکی ذاته دور و وصیت ایده جکنی صوردم جواباً : اوغلم! بزم طریقمزده بوکون برکیمه یی بیلیمورم یالکیز انقره شهرنده بر ذات واردر بندن صوکره او ذاتک نزدینه کیده بیلرسک! دیدی بعد وفاته انقریه کیدرک او ذات ایله دخی کوریشدم ومعیتده قالدیم بونک دخی اسلافی کی اخیار واعزده دن اولدیغنی اکلادم بوذاتک معیتده ایکن اره صره کاروکسب ایله ده اشتغال ایدیردم بعض مواشی یه مالک اولمش ایدم بونک دخی عالم عقبایه ارتحال ایده حکمی اکلشادی بنابرین معیتده بولنجه قدر اسلافک وصیتلریله دور ایدلایکمی سویله رک بعدما کیمه مراجعت ایده جکنی سؤال ایلدم . جوابنده اوغلم! الله بیلرکه ایوم بزم مسلکمه زده برکیمه نک

بر مقدار خورما وار ایدی آقسام اولجہ خورمائی
آلہرق طوغروجه مسجد قباہ کیندم حضور سعادہ
واروب « سزک صلحادن اولدیغکزی ایشیتدم برابر کزده
غربادن ارباب احتیاج وار یمش بوخورمائی صدقہ ایچون
آیرمش ایدم سزی دیکر لرندن دها زیاده مستحق کور
دیکمدن بونلری سزک ایچون کتیردم » دهرک تقدیم
ایلدیم پیغمبرمن اقدمن حضرتلری احباب کرامنه خطاباً
یککز! دیدی وکندیلری ال سورمدی بن کزری کندیمه ایشته
بورنجی علامتدر دیدم صوکره عودت ایدهرک تکرار
بر مقدار خورما ایدندم پیغمبرمن اقدمن حضرتلری
مدینه منوره یه نقل یورمشلرایدی ینه حضور سعادتلرینه
کیدهرک (صدقندن تناول یورمشلرایدی کوردم ایشته
بونلری هدیه اولهرق تقدیم ایدیورم) دیدم بودفعه
احباب کرام ایلہ برابر تناول یوردیلر علامتک ایکسی
تحقق ایلش وشوق وامیدم زیاده لشمش ایدی بووقعه یی
متعاقباً صحابه دن برذاتک وفاتی مناسبتیلہ علیہ الصلات والسلام
اقدمن حضرتلری بقیع قبرستانده ایکن تکرار
حضور مقدسلرندہ بولدم اوزرلرنده ایکی شعلہ مبارکہ
بولتوردی ارقہ طرفلرینه دونه رک مهر نبوتی کوره بلیک
امسندہ ایدم پیغمبرمن اقدمن حضرتلری احوال
وحرکاتمه دقت یوردقلری جهتله مقصدی بیلورلردی
اوموزلرنده کی یرده شریفه یی قالدیردیلر مهر نبوت ایلہ
قرین لعین سعادت اولجہ همان تقییل ایدهرک اغلامنه باشلادم
بنی حضور سعادتلرینه دعوتله احوالی سؤال یوردیلر
اضفہاندن باشلایهرق سرگذشتکم صفحاتی عرض
ایلدیم . مابعدی وار

ادبیات صوفیه

قطب العارفين عمر روشنی قدس سرہ السنی
حضرتلرینک (تصوف) حقیقده نظم جلیل عارفانہ
لریدر .

قالدیغی یلمیورم کہ سکا وصیت ایدیم لکن بر پیغمبر
ذیشانک زمان ظهوری یاقلاشمشدر حضرت ابراهیم
علیہ السلامک دینی اوزرینه جانب اقدس الوهیتدن بعث
وارسال یوردیلہ جقدر . ارض عربده ظهور ایدہ جک
ودارهجرتی بن الحرتین خورمالقلی برراولہ جقدر علامات
مخصوصه یی حائرذر . هدیه تناول یوریر . لکن صدقه یی
قبول ایتمز ایکی اوموزلری آراستده مهر نبوت واردر .
جزیره عربده بو پیغمبر ذی شانہ التحاق ایدہ بیلرسہ ک
چالیش! دیدی . وفاندن صوکره انقره ده برمدت قالمش
ایدم بر آراق بنی کلب عشیرتندن بعض عربلر برای
تجارت انقره یه گلشدر ایدی . المده بولان مواشی یه قابل
بنی دیار عربہ برابر کونورملرینی تکلیف ایتدم قبول
ایتدیلر وادی القریایه مواصلتمزده ظلم وخیانتله بنی اسیر
دیدرک بریہودی یه صاندیلر . برمدت یهودینک اسارتندہ
قالدیم وادی القریاده خورما اغاچلرینی کورنجہ اسقفک
تعریف ایلدیکی دارهجرتک بوراسی اولہ بیللمسنی امید
ایدیوردم . بو صروده صاحب یهودینک مدینہ دن
برعمجه زاده سی گلش ایدی بنی اشتر ایدرک مدینہ یه
کوتوردی . مدینہ یی کورر کورمن اسقفک تعریفی اوزره
درحال طانیدم . ایشته بوایکنجی یهودینک اسارتندہ ایکن
پیغمبرمن اقدمن حضرتلری مکہ مکرمہ ده بعث
آلہ یه ایلہ ظهور ایتمشلرایدی . لکن تحت اسارتندہ
بولدیغمدن خبرم اولیوردی . هجرت نبویلرینی دخی
یلمیوردم الله بیلیرکہ بر کون یهودینک خورمالقشدہ
بر خورما اغاچی اوزرنده ایشلرکن یهودی دخی اغاچک
التده بولتوردی ناکاه بر عمجه زاده سی کلدی .

(اوس وخرجک) (انصار) الله بلالرینی ورسو
قباده بر آدمک اطرافه طویلاشمشدر بو آدم مکهدن گلش
پیغمبرک زعمتده بولتورمش) دیدی . شدت هیجاندن
لغاجندن سقوط ایدہ جک ایدم . همان اشاعی ایندم یهودینک
عمجه زاده سندن استیضاح ایتک ایتدیوردم صاحب یهودی
درحال شدتلی رطوقات ووردی و بویله شیلرہ نه قاریشیورسک؟
بن کندی ایشکہ باق! دیہ تکدیر ایلدی . نزدمدہ